



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1715. usque ad annum 1718

Fleury, Claude

August. Vind. [u.a.], 1782

VD18 13322648

§. 15. Rhemensis Archiepiscopus ab Appellantibus multis modis vexatus.

[urn:nbn:de:hbz:466:1-67649](https://nbn-resolving.org/urn:nbn:de:hbz:466:1-67649)

optarit, nunc vero *ampliores* magisque *Sæc. XVIII.*
explicitas petat, brevi has quoque *emen-* *A. C. 1717.*
dationes dari petiturus: Quapropter Car-
 dinalis Tremollius & Amelotus Noail-
 lio perscripsere, Religionis res ex tem-
 porum varietate variationem in doctri-
 næ principiis minime admittere, ipsum
 autem nequidem ausum fuisse tam di-
 fertas petere explicationes, quas nunc
 Pontifex sponte offerret, & nequidem
 in hortatoria Pontificis epistola tam
 amplas reperiri, quas tamen olim tan-
 quam unicum reddendæ pacis medium
 suspexisset.

§. XV.

*Appellantium vexatio contra Archi-
 episcopum Rhemensem.*

Nondum Franciscus de Maily reni-
 tentes Canonicos & Doctores pœ-
 narum severitate ad acceptandam Con-
 stitutionem adigere poterat; horum e-
 nim non pauci sacris suis ministeriis nun-
 tium mittere, & sese veluti ad laico-
 rum conditionem deprimere malue-
 runt, quam Archiepiscopi sui jussis ob-
 temperare: Tantum habet virium male
 consultum præconceptam opinionem
 tuendi studium, pravumque multitudi-
 nis exemplum: Non deerant tamen,
 qui nonnisi censuras declinandi studio

Sæc. XVIII.
A. C. 1717.

Constitutionem acceptarent, additis tamen restrictionibus sacræ Sedi opprobriis infestis, quas ad ipsum suum Archiepiscopum transmittere non erubuerunt: cum vero horum rebellionem Parisiensis Facultas plurimum fulcra ipsamque Rectoris orationem Archiepiscopo summopere injuriosam typis mandasset, hinc malis inde secuturis obviaturus Archipræsul, ex hoc sermone plures extraxit propositiones, quas hoc anno die quarta Januarii tanquam temerarias, scandalosas, erroneas, schisma foventes, & sacræ Sedi, atque Episcopali auctoritati injurias damnavit, simulque Parisiensium Parochorum epistolam contra Constitutionem iisdem censuris perstrinxit. Nec tamen propterea Rhemenses ad saniora rediere, sed ipsum Capitulum Cathedralis, reclamantibus incassum novemdecim Canonicis, a Pontificis Constitutione provocavit: Ejus exemplum mox Capitulum S. Simphoriani, & Facultas Theologica sequebantur. Igitur Archiepiscopus tertio cunctis suæ Diocesis Ecclesiasticis præcepit, ut Constitutionem intra tres hebdomadas acciperent, secus ipso facto excommunicandi: Verum censurarum metus prævaluit inveteratæ eas contemnendæ consuetudini; præ ceteris enim Ur-

Vicarius Archiepiscopi sui mandatum **Sæc. XVIII.**
 e suggestu promulgare renuit, & quam **A. C. 1717.**
 vis a sacris interdictione mulctatus fuis-
 set, nihilominus proximo die Dominico
 palam in Ecclesia Parochiali Divina
 peregit Officia: unde ad tres septima-
 nas ad Seminarium secedere jussus, ab
 hac sententia tanquam *ab abusu* ad Par-
 lamentum provocavit, a quo Archiepi-
 scopus, & Ecclesiasticus illius Judex
 seu *Officialis* ad omnes expensas, dam-
 na, & lucra cessantia condemnati sunt,
 simulque Serenissimi Regentis nomine
 Archiepiscopo injunctum, ut deinceps
 nec Capitulum nec Parochos suos mo-
 lestaret; cum vero sine Pastoralis officii
 sui neglectu huic mandato obtemperare
 haud posset, appellantes libello supplici
 petierunt, ut Archiepiscopus deinceps
 quicquam contra eos moliri interdice-
 retur. Ne vero id fieret, nulli labori
 pepercere Cardinalis Rohanius, cete-
 rique Episcopi; probe enim prospexe-
 rant, hoc interdicto Archiepiscopis
 manus ligari, proin Ecclesiasticos im-
 pune ac frequentissime suas appellatio-
 nes interjecturos: nec penitus inanis e-
 rat eorum conatus; quippe appellantium
 libellus sine appellationis mentione facta
 recipiebatur. Paulopost novæ vexatio-
 nis fomitem suppeditabat nominatio
 Rectoris; cum enim cuilibet Archiepi-
 scopo

Sæc. XVIII. scopo Rhemenſi Uniuerſitatis Rectorem
 A. C. 1717. nominandi jus competeret, tres eidem
 proponerentur, quos tamen omnes
 Archiepiſcopus reiecit: Verum Uniuerſi-
 tatis Doctores ex his tribus unum pro
 ſuo libitu elegerunt, quem Archiepiſ-
 copus quidem tanquam intruſum, &
 ad muneris ſui executionem incapae-
 cem declaravit, Parlamentum vero
 per edictum in ſuo officio illum con-
 firmavit.

§. XVI.

*Appellantium fraus in adulterantiis
 Sereniſſimi Regentis literis.*

Tantam horum temeritatem non modo
 Pontifex atque Epifcopi, ſed ne-
 quidem ipſemet Regni Moderator to-
 lerandam eſſe cenſebat, quia vero ma-
 jora adhuc mala ex intempſtivo rigore
 oritura pertimeſcebat, pacis vix non
 conclamatae ſpem denuo fuſcitare ſta-
 tuit, hancque in rem die decima terti-
 Julii ad omnes Regni Epifcopos epiſto-
 lam dedit, qua eis ſignificavit, quod
 Feuilladam Ducem Romam mittere
 decreverit, ut malis, quæ per clemen-
 tiam & reconciliationem tollendi co-
 pia ſibi erepta fuiſſet, tandem Ponti-
 cia ſimul & Regia auctoritate finis im-
 poneretur, ea de cauſa ad eundem
 miſſe